

640—641 ԹԹ. ԱՐԱՐԱԿԱՆ ԱՐՇԱՎԱՆՔՆԵՐԸ ՀԱՅԱՍՏԱՆ

ԷԴՈՒԱՐԴ ԴԱՆԻԵԼՅԱՆ

Հայաստան կատարած արարների առաջին արշավանքի, Դվինի առմանը վերաբերող հայոց և օտար աղբյուրների տեղեկությունների շուրջ հայտնվել են տարբեր կարծիքներ: Այդ կապակցությամբ Հ. Մանանդյանը գրել է. «Արաբներն առաջին անգամ մտել են Հայաստան հյուսիսային Միջագետքի կողմից ոչ թե 636 (Մ. Չամլյան, Կ. Բասմաշյան և ուրիշներ), 637 (կամ 638, ըստ Հ. Համարյանի— է. Դ.) կամ 639 (է. Դյուլորիս և ուրիշներ) թվականներին, ինչպես այդ մատնացույց է արվում հայ և օտար ուսումնասիրություններում, այլ 640 (Մ. Ղազարյան) թվին»¹. Հ. Մանանդյանի պաշտպանած տեսակետի համաձայն Դվինի առումը տեղի էր ունեցել 640 թ. հոկտեմբերի 6-ին: Մեծանուն գիտնականը նշել է, որ ինչպես ճիշտ դիտել է Մ. Ղազարյանը², 640 թ. արաբական արշավանքին են վերաբերում Բալազուրիի, Տաբարիի և Իբն ալ-Ասիրի հետևյալ վկայությունները: Բալազուրի. «Իյադ նվաճեց Ամիդ առանց ճակատամարտի՝ Ուսայի խաղաղության հիման վրա, նույն օրինակ և Մայաֆարեկին, իսկ Կաֆարտուս ամրոցը և Մծբին՝ կովմով: Տուր Աբդինի, Մարդինի, Դարայի, Քարդայի, Բազարդայի նվաճման և հավաքանի իշխանի հետ պայմանագիր կնքելու մասին գրելուց հետո նա հաղորդում է. «Այս բոլորը կատարեցավ 19 թ. և Մուհամմադի օրերից (հաշված)՝ 20 թ.: Իյադ նվաճեց Արզն Մծբինի խաղաղության հիման վրա և՛ անցնելով Կիրճից՝ հասավ Բիթլիս, եկավ իսլամ և հաշտություն կապեց թաղաքի իշխանի հետ: Գալով Ադի շուրբ (աթթու չուրբ— Մ. Ղ.), որ Հայաստանում է, նա շանցավ այն, այլ վերադարձավ և դրեց Բիթլիսի տիրոջ վրա նույն հարկը, որ նա իսլամի (բնակչաց), մեծամեծաց և իշխանի վրա էր դրած: Այստեղից Իյադ անցավ Խաբթա, ապա Հիմս, ուր նրան Օմար կառավարիչ նշանակեց. վախճանեցավ 20 թ.»: Տաբարի. «Իյադ ուղարկեց Օսման ի. Աբի-լ-Ասսին Չորրորդ Հայք, այստեղ Սաֆֆան ի. Մուաթթալ Նուլամին նահատակեցավ տեղի ունեցած մի ճակատամարտի մեջ: Բնակիչը խաղաղություն հաստատեցին Օսման ի. Աբի-լ-Ասսի հետ: Իբն ալ-Ասիր (Հ. Մանանդյանը նշում է միայն էջը). «նա (Իյադը) ուղարկեց Օսման ի. Աբու-լ-Ասսին Չորրորդ Հայք, որի ժողովուրդը պատերազմեցավ նրա հետ (Սաֆֆան ի. Մուաթթալ նահատակեցավ կովի մէջ), բայց հետո խաղաղություն հաստատեց նրա հետ»³:

Ս. Մելիք-Բախշյանի կարծիքով Օսման իբն Աբու-լ-Ասսի գլխավորությամբ Չորրորդ Հայքը նվաճելուց հետո արաբները ներխուժեցին Տարոն, և այստեղ նրանց առաջնորդեց «Աբդու-Ռահիմը» (Աբդուհիմ, ըստ Յովհան Մամիկոնյանի), որի գլխավորությամբ նրանք գնացին դեպի Այրարատ⁴: Այս դեպքերը ժամանակագրորեն իրար կապելը հետևանք է Իբն ալ-Ասիրի, Յովհան

¹ Հ. Մանանդյան, Մանր հետազոտություններ. Արաբական արշավանքները Հայաստանում (ժամանակագրական դիտողություններ), Երևան, 1932, նույնի՝ Երկեր, հ. Բ, Երևան, 1978, էջ 512—513:

² M. Ghazarian, Armenien unter der arabischen Herrschaft, Marburg, 1903 S. 16.

³ Հ. Մանանդյան, Երկեր, հ. Բ, էջ 511: Նա հետևել է Բ. Խալաթյանի թարգմանությանը («Արաբացի մատենագրեր Հայաստանի մասին», Վիեննա, 1919, էջ 74—75, 80, 127), Իբն ալ-Ասիրի երկի վերահիշյալ հատվածը Ա. Տեր-Ղևոնդյանը թարգմանել է. «Օսմանը Իբն Աբու-լ-Ասին ուղարկեց Չորրորդ Հայաստան, և սա կովեց նրա բնակիչների դեմ...: Օսմանը նրա բնակիչների հետ հաշտություն կնքեց» («Արաբական աղբյուրներ», հ. Բ, Իբն ալ-Ասիր, Երևան, 1981, էջ 45): Այնինչ, ինչպես ճիշտ հետևում է Բ. Խալաթյանի թարգմանությունից, Օսման իբն Աբու-լ-Ասսին Չորրորդ Հայք էր ուղարկել Իյադը: Ա. Տեր-Ղևոնդյանը Իբն ալ-Ասիրի երկից չի թարգմանել հիշ. 19 թ. վերաբերող սկզբի հատվածը և վերոբերյալ պարբերությունը անսխալապես հաշորդել է հիշ. 17 թ. դեպքերի նկարագրությանը:

⁴ Ս. Մելիք-Բախշյանի կարծիքով Մծբինը և Ամիդը ավերելուց հետո Օսման իբն Աբու-լ-Ասսի զորամասերը մտան Չորրորդ Հայք, նա աղբյուրից թերի մեջբերում է կատարել:

Մամիկոնյանի և Սեբեոսի հաղորդումների միահյուսման։ Ս. Մելիք-Բախշյանը գրում է, որ իր հաշվումներով կրկին անգամ հաստատվում է Ղ. Ալիշանի մատնանշած թվականի ճշամիջոցը Դվինի առժամ կապակցությամբ⁵։ «Եթե կարողանանք հաստատել, որ Կորի մահվան թվականի, այսինքն՝ հայոց 89 թ. տրեխի 20-ր ուրբաթ օր է եղել, ուրեմն ինչպես Դվինի գրավման ժամանակը, այնպես էլ Եզրի մահվան թվականը, — գրում է Ս. Մելիք-Բախշյանը, — կհաստատվի անվերապա՝ կերպով⁶։ Աղբյուրներից հայտնի է Եզրի տասնամյա աթոռակալության մասին⁷։ սակայն նրա մահը չի նշված 89 թ.։ Ս. Մելիք-Բախշյանը անհիմն է համարում Մ. Օրմանյանի կարծիքը, ըստ որի Դվինի պաշարումը սկսվել է 640 թ. հոկտեմբերի 6-ին, իսկ քաղաքը գրավվել հունվարի 6-ին (641 թ.)։ Այս կարծիքը ժամանակին քննադատել էր Հ. Մանանդյանը⁸։

Բալաղուրիի վերոհիշյալ հաղորդմանը համապատասխանում է Իրն ալ-Ասիրի մեկ այլ տեղեկությունը, որի քննությունից պարզվում է, որ Հ. Մանանդյանի մեջ բերած հատվածներում խոսքը տարբեր արշավանքների մասին է։ Իրն ալ-Ասիր. «(Իյադը) զնաց Արզն և գրավեց այն, մտավ լեռնանցքը և անցավ Բաղեշ (Բաղլիս) հասավ Խլաթ, որի պատրիկը հաշտություն կնքեց նրա հետ, և վերապես հասավ ալ-Այն ալ-Համադի (Թթու շուր) Հայաստանում։ Ապա վերադարձավ Ռակկա, զնաց Եմեսա (Հիմս) և մեռավ քսան թվականին»⁹։

Այսպիսով, արաբական աղբյուրներից վերը քաղված տեղեկությունները վերաբերում են տարբեր արշավանքների՝ 1. ըստ Տաբարիի և Իրն ալ-Ասիրի վերոհիշյալ առաջին հաղորդման, Իյադը Չորրորդ Հայք ուղարկեց Օսման իրն Արու-լ-Աասին (հիշ. 19 թ.), 2. ըստ Բալաղուրիի և Իրն ալ-Ասիրի վերջին հաղորդման, Իյադը անձամբ գլխավորեց արշավանքը՝ Արզն-Բաղեշ-Խլաթ-Թթու շուր երթուղով, այնուհետև, վերադառնալով Հիմս, հիշ. 20 թ. մահացավ¹⁰։

Բալաղուրիի այլ տեղում ևս հիշատակում է Չորրորդ Հայքը. «Երբ Օսման ի. Օֆֆան խալիֆ եղավ (644—656), նա հրամայեց Մուավիային հարձակվել Եմեսուրտի վրա, որ Չորրորդ

Եիյադ ուղարկեց Արու-Մուսային, որ հպատակեցավ (Ս. Մելիք-Բախշյան, Հայաստանը VII—IX դդ., Երևան, 1968, էջ 34)։ Այնինչ իրականում. Եիյադ ուղարկեց Արու-Մուսային Մծրին, որ հպատակեցավ (սԱրարացի մատենագրեր Հայաստանի մասին, էջ 127)։ Ըստ Իրն ալ-Ասիրի և Տաբարիի, Մծրինը հպատակեցրեց Արու-Մուսան, իսկ ըստ Բալաղուրիի և Ցաքուրիի՝ Իյադը։ Ըստ Բալաղուրիի և Իրն ալ-Ասիրի, Ամիդը նույնպես Իյադը նվաճեց (նույն տեղում, էջ 74, 80, 104)։

5 Ղ. Ալիշանը, արաբների ներխուժման մասին գրել է Դվինի առժամ կապակցությամբ, որը, ըստ նրա, կայացել է 640 թ. հոկտեմբերի 6-ին (Ղ. Ալիշան, Այրարատ, Վենետիկ, 1890, էջ 407)։ Լեոն նույնպես այն տեսակետին էր, որ արաբական առաջին արշավանքը տեղի էր ունեցել 640 թ., սակայն Դվինի առումը, նրա կարծիքով, կայացել էր 641—642 թթ.՝ երրորդ արշավանքի ժամանակ (Լեոն, Հայոց պատմություն, հ. Բ, Երևան, 1947, էջ 315)։ Լեոն, Հ. Մանանդյանը և ուրիշներ արաբների ներխուժումը Տարոն կապում են Հայաստան կատարած նրանց առաջին արշավանքի հետ։

6 Պ. Մելիք-Բախշյան, նշվ. աշխ., էջ 42։ Հարկ ըկա ապացուցելու, թե 89 թ. արեխ 20-ը ուրբաթ է եղել, քանի որ այդ հայտնի է տոմարագիտական աշխատություններից։

7 Մ. Օրմանյանի կաթողիկոսի Դրասխանակերտցու Պատմության Հայոց (այսուհետև Մ. Օրմանյանի Դրասխանակերտցի), Մոսկվա, 1853, էջ 48, «Մեծին վարդապետ Բարձրբերդեցու Պատմություն Տիեզերական (այսուհետև՝ Վարդան), Մոսկվա, 1861, էջ 93։

8 Ըստ Հ. Մանանդյանի, Մ. Օրմանյանի փորձել է հաշտեցնել Սեբեոսի և Մամուկ Անեցու հակասական հաղորդումները (Մ. Օրմանյան, Ազգապատում, Կոստանդնուպոլիս, 1912/1913, էջ 704—706, Հ. Մանանդյան, նշվ. աշխ., էջ 518—519, ծան. 1)։ Ս. Մելիք-Բախշյանը (նշվ. աշխ., էջ 43), քննադատելով է. Դյուրիեի (Ed. Duiaurier, Recherches sur la chronologie arménienne technique et historique, t. I. Paris, 1859, p. 225, 27—231) և Ա. Մյուլլերի (A. Мюллер, История ислама, СПб. т. I, 1895, с. 289—290). նշել է, որ Դյուրիեին կոպիտ սխալ է կատարել արաբական առաջին արշավանքի տարեթիվը համարելով 642 թ.։ Սակայն, ըստ Դյուրիեի, առաջին արշավանքը կայացել էր 639 թ., իսկ 642 թ. նա նշել է որպես Դվինի առժամ տարի։

9 «Արարական աղբյուրներ», հ. Բ, էջ 46։

10 Մ. Ղազարյանը դժվարացել է որոշել, թե Հայաստանի թթու ջրերի բազմաթիվ աղբյուրներից որն է նկատի առնված (M. Ghazarian, նշվ. աշխ., էջ 16, ծան. 3)։

Հայքումն է, և կամ հանձնարարել մեկին այդ գործը: Մուավիան ուղարկեց Հաբիր ի. Մասլամա Ֆիհրին և Սաֆվան ի. Մուաթթալ Սուլամիին, որոնք մի քանի օրվա ընթացքում նվաճեցին քաղաքը... Մուավիան դրեց Սաֆվանին այնտեղ կառավարել, ուր նա վախճանվեց Մուավիայի խալիֆայության ժամանակ (661—680): Այլը կը պնդեն, սակայն թե ինքը Մուավիան արշավեց Աշմուշատի վրա երկու զորապետների հետ միասին և գրեց Սաֆվանին այնտեղ կառավարել, ուր նա մնաց մինչև իր մահը... Հաբիր իբն Մասլաման Աշմուշատը առնելուց հետո հարձակվեց Պամախ ամրոցի վրա... Իյադ իբն Ղանմ ուղարկեց Հաբիր իբն Մասլամա Ֆիհրին Աշմուշատից: Մալաթիա, որը նա դրավեց. ապա բնակիչները փակեցին (ներառել) քաղաքի դռները: Երբ Մուավիան կառավարել եղավ Ասորիքի և Միջագետքի վրա, նա ուղարկեց Հաբիր ի. Մասլամային, որ նվաճեց Մալաթիան բռնությամբ¹¹: Եթե շասենք, թե այստեղ ժամանակագրական էություն չի ունի (Հաբիրը Աշմուշատից կամախ արշավեց Օսմանի օրոք, իսկ Իյադը մահացել էր հիշ. 20 թ.), ապա կարելի է ենթադրել, որ Մալաթիան և Աշմուշատը արաբները գրավել էին երկու անգամ՝ 640 թ. և հետագայում՝ Օսմանի տիրակալության ժամանակ: Կարելի է ենթադրել, որ հիշ. 19 թ. Իյադի հանձնարարությունը Հաբիրը Աշմուշատից հետո հարձակվեց Մալաթիայի վրա, իսկ Օսմանի խալիֆայության օրոք Հաբիրը և Սաֆվանը նվաճեցին Աշմուշատը, ինչպես նաև Մալաթիան՝ կրկին Հաբիրը: Այս ենթադրության համար կարևոր փաստարկ է այն, որ Մավրիկիոսի վարչատարածքային վերափոխություններից հետո Աշմուշատը այլ Չորրորդ իսկ այնուհետև Մուավիայի հրամանով Հաբիրի՝ դեպի Մալաթիա արշավելու մասին: Ընդ որում, այս վերջին հաղորդումը կապվում է այն հատվածի հետ, որ խոսվում է Մուավիայի հանձնարարությանը Հաբիրի և Սաֆվանի կողմից Աշմուշատի գրավման մասին: Բալազորիի, ընկալել հիշ. 19 թ. արշավանքի կապակցությամբ Չորրորդ Հայքը չի հիշատակում (նա այն հիշատակում է Օսման խալիֆի օրոք տեղի ունեցած արշավանքի առթիվ), սակայն հայտնի է, որ Մավրիկիոսի վարչատարածքային վերափոխություններից հետո Աշմուշատը Վալլ Չորրորդ Հայքին կապվում էր, իսկ Վեբրին Միջագետք կամ Չորրորդ Հայքն նահանգի քաղաքներն էին Բալազորիի հիշատակած Ամիդը, Մայաֆարկինը¹²: Աշմուշատի երկրորդ գրավումը, ըստ այլոց հաղորդման, կատարվել էր անձամբ Մուավիայի կողմից: Ուշագրավ է, որ Աշմուշատում կառավարել էր հաստատվել Սաֆվանը: Այս ապացույց է Աշմուշատի՝ երկու անգամ գրավվելու մասին:

640 թ. արշավանքը դեպի Չորրորդ Հայք և Մալաթիա Հաբիրը և Օսման իբն Աբու-լ-Ասար որոշ ժամանակ միասին են գլխավորել, այնպես, ինչպես Հաբիրը մի քանի արշավանքներ՝ Սաֆվանի հետ: Տարարի և Իբն ալ-Ասիրը հիշ. 19 թ. դեպքերի նկարագրությանը միահյուսել են Սաֆվանի սպանվելու մասին տեղեկությունը, որը վերաբերում է, ըստ Բալազորիի, Մուավիայի խալիֆայության ժամանակաշրջանին: Այսպիսով՝ Բալազորիի, Տարարի և Իբն ալ-Ասիրի հաղորդումները Միջագետքի կողմից արաբների՝ Հայաստան կատարած ներխուժումների մասին (հիշ. 19 թ.) հետևյալ պատկերն են ուրվագծում. 640 թ.՝ առաջին արշավանքը ընթացել էր Իյադի գլխավորությամբ Ամիդից Մայաֆարկին (նիսկերտ՝ Վեբրին Միջագետք կամ Չորրորդ Հայքն նահանգում), իսկ երկրորդը՝ Իյադի հանձնարարությամբ՝ կրկին Չորրորդ Հայքում (Վալլ Չորրորդ Հայքում): Օսման իբն Աբու-լ-Ասար գլխավորությամբ և Աշմուշատից դեպի Մալաթիա՝ Հաբիրի հրամանատարությամբ¹³:

Ա. Տեր-Ղևոնդյանի կարծիքով Իյադը, 640 թ. անցնելով Չորա պահակը, ներխուժեց Տարոն, ապա եկավ Խլաթ և գնալով հյուսիս՝ Վեբրու ջրից՝ այն կողմ շանցավ և վերադարձավ Բաղիս (Բաղեշ), իսկ նրա զորքը շարունակեց ճանապարհը դեպի Բզնունիք, Աղիովիտ, Բերկրի, Կոգովիտ, Դվին¹⁴: Տարբեր ժամանակներում տեղի ունեցած դեպքերի նույնացումը արգասիք է

¹¹ «Արաբացի մատենագրեր Հայաստանի մասին», էջ 75—76: Հմմտ. Իբն ալ-Ասիր. «Երբ Իյադը նվաճեց Սամսատը, Մալաթիա ուղարկեց Հաբիր իբն Մասլամային, որը ուժով նվաճեց այն, սակայն հաշտություն էինքնուրույն հետո բնակիչները դրժեցին (պայմանը)» («Արաբական աղբյուրներ», հ. Բ, էջ 46):

¹² Н. Адонц, Армения в эпоху Юстиниана, Ереван, 1971, с. 34, 168, 234—235.

¹³ Ինչպես նշել է Ա. Տեր-Ղևոնդյանը, ըստ Տարարիի, մոտ. հիշ 20 թ. (640—641) Օսմար խալիֆը Հաբիրին ուղարկեց հռոմեացիների հղը, սակայն հայտնի չէ, թե որ վայրը նկատի ունի պատմիչը (А. Тер-Гевондян, Армения и Арабский халифат, Ереван, 1977, с 28): Արդյո՞ք խոսքը Մալաթիան նվաճելու մասին չէր:

¹⁴ Ա. Տեր-Ղևոնդյանը նշելով, որ Վեբրու ջուրը դժվար է ճշգրիտ տեղորոշել, են-

արաբական աղբյուրների հաղորդումների (Իյադի գլխավորած արշավանքի մասին) ուսումնասիրության՝ 2. Մանանդյանի պաշտպանած տեսակետի (ըստ որի Սերետուի հաղորդումը, արաբների դեպի Դվին արշավանքի առնչությամբ, վերաբերում է Հայաստան կատարած նրանց առաջին ներխուժման ժամանակաշրջանին) առումով:

20 թ. Մուհամմադ ամիրը համապատասխանում էր 21 դեկտեմբերի (640 թ.) 19 հունվարի (641 թ.)¹⁶, Արաբական երրորդ արշավանքը, որը, ինչպես վերո տեսանք, նկարագրվում է Մուհամմադ ամիրը մասին եղած հաղորդումից հետո, չպես և կապել Սերետուի հիշատակած ղվինյան արշավանքի հետ, քանի որ, ինչպես հետևում է Բայազուրիի և Իբն ալ-Ասիրի հաղորդումներից, արաբական զորախումբը թթթու ջրից՝ վերադարձավ Միյոգետք: Կարծում ենք, որ թթթու ջրերը՝ տվյալ դեպքում համապատասխանում է Մաղկոտն գավառի՝ Վարշակի կոչված Ջերմուկին, որը հիշատակում է Ղազար Փարպեցին¹⁶, Ուրեմն, Իյադը եղբոր հետ ներխուժել էր Խոռխոռուներ, Աղիովիտ և Մաղկոտն գավառները և այնուհետև վերադարձել Հիմա: Այսպիսով, Հայաստանում կատարած առաջին, երկրորդ և երրորդ (Արզնից մինչև Թթու ջուր) արշավանքների ժամանակ արաբները Դվին չէին հասնում:

2. Մանանդյանը, Դվինի առումը կապելով արաբական առաջին արշավանքի հետ, աղբյուրների հաղորդումները բաժանել է երեք խմբի (1. հնագույն՝ Սերետու, «Անանուն ժամանակագրություն», Դիոնիսիոս Տելմահարացի, Կիրակոս Դանձակեցի, Սամուել Անեցի, 2. ըստ արաբական ավանդության՝ Բայազուրի, Ցարուրի, Իբն ալ-Ասիր, 3. խառն և շփոթ՝ Ղեռնդ, Ասողիկ, Մովսես Կաղանկատվացի) և եզրակացրել, որ Դվինի առումը այդ վկայությունների համաձայն՝ դրվում է 640, 640/1, 642/3, 644/5, 646/7 թթ.: Այնուհետև գիտնականն անդրադարձել է այդ հարցի շուրջ հայտնված կարծիքներին. 640 թ. հունվարի 6՝ Մ. Չամչյան¹⁷, 640 թ. հոկտեմբերի 6՝ Ղ. Ալիշան, 2. Համբարյան¹⁸, 642 թ. հունվարի 6՝ Տուռնեբիզ, Մորզան, 642 թ. հոկտեմբերի 6՝ է. Դյուլորիե, 2. Բոփչյան, Ա. Մյուլլեր¹⁹, 646 թ.²⁰ Լոռան²⁰, 647 թ. հոկտեմբերի 6՝ Ցու. Կուլակովսկի²¹ 2. Մանանդյանը հետևելով Մ. Ղազարյանին, գտնում է, որ երկրորդ խմբի աղբյուրների հաղորդումները վերաբերում են VII դ. 50-ական թվականներին: Միակ վստահելիքն նա համարում էր առաջին խմբի աղբյուրների վկայությունները: Միանալով Ղ. Ալիշանի և 2. Համբարյանի տեսակետին, 2. Մանանդյանը եզրակացրել է. «Դվինի առումը տեղի է ունեցել ոչ թե 641, 642 կամ 643 թթ., այլ 640 թ. հոկտեմբերի 6-ին, ուրբաթ»²²:

Խաղաղարար այն տեղադրում է Թեոդոսուպոլիսից ոչ հեռու դտնվող հանգային ջրերի (Ջերմուկ) մոտ, որը հիշվում է պատմական աղբյուրներում (A. Тер-Гевондян, նշվ. աշխ., էջ 25, «Արաբական աղբյուրներ», հ. Բ, էջ 368, ժան. 34): Հայտնի է, որ Կաթինի և Կողովիտի ուղղությունները տարբեր են:

¹⁵ V. V. Tsybul'sky, Calendars of Middle East Countries, M., 1979. p. 22.

¹⁶ «Ղազարայ Փարպեցու Պատմութիւն Հայոց», Տիգրիտ, 1904, էջ 132:

¹⁷ Ըստ Մ. Չամչյանի, Դվինի պաշարումը սկսվել է 639 թ. նոյեմբերի 28-ին, եփաղաքը գրավվել հունվարի 6-ին (640 թ.): Նա նշել է, որ Դիոնիսիոս Տելմահարացին այս դեպքը հիշատակել է տեղի ունեցած սելեկյան 952 թ. «որ է յամի տն. 641, փոխանակ դնելոյ միոյ ամաւ յառաջ» (Մ. Չամչյան, Պատմութիւն Հայոց, հ. Բ, Վենետիկ, 1795, էջ 343):

¹⁸ 2. Համբարյանի կարծիքով Դվինը գրավվեց արաբական հրկրորդ արշավանքի ժամանակ, որից երկու կամ երեք տարի առաջ տեղի էր ունեցել նրանց առաջին արշավանքը (2. Համբարյան, Հայր արաբացուց իշխանութեան տակ. ժամանակագրական խնդիրներ Սերետուին, «Յուշարձան», Վիեննա, 1911, էջ 244):

¹⁹ Ed. Dulaurier, նշվ. աշխ., էջ 227—231; H. Thopdschian, Armenien vor und während der Araberzeit, «Հանգէս Հայագիտութեան» (Zeitschrift für armenische Philologie, Herausgegeben von A. Manandian, Zweiter Band, erster Heft, Marburg, 1903, S. 64); A. Мюллер, նշվ. աշխ., էջ 280—290.

²⁰ J. Laurent, L'Arménie entre Byzance et l'Islam, depuis la conquête arabe jusque'en 886, (Nouvelle édition revue et mise à jour par M. Canard), Lisbonne, 1980, p. 231, n. 183.

²¹ Ю. Кулаковский, История Византии, т. III, Киев, 1915, с. 202.

²² 2. Մանանդյան, նշվ. աշխ., էջ 519—521, Հմմտ. Բ. Առաքելյան, Հայաստանը արաբական տիրապետության առաջին շրջանում և հայերի պայքարը անկախության համար, «Գիտական ժողովածու», 1941, էջ 66, Ս. Մելիք-Բախչյան, նշվ. աշխ., էջ 42—43:

Դվինի գրավման ժամանակը որոշելիս Սեբեոսի տեղեկությունը ներքին կաթողիկոսության վերջին տարվա մասին է. Մանանդյանը կարևոր է համարել. Այդ արշավանքի նկարագրությունում և զորան նախորդած ու հաջորդած հատվածներում պատմվում է Հերակլի մահվան, նրա որդու՝ Կոստանդինի գահակալության, Հայոց զորավար շքնորվելու, Միջագետքի կողմից թշնամու ներխուժման²³, Թեոդորոս Ռշտունու նախնական զնալու, արաբների կողմից Դվինի առևտուն, ներքին մահվանից հետո ներսեսի՝ կաթողիկոս դառնալու և վերջինիս միջամտությամբ Թեոդորոս Ռշտունու՝ Հայոց զորավար կարգվելու մասին²⁴։

Հստ. Սամունի Անեցու, Դվինի առևտրի նույնպես անդի էր ունեցել Հերակլի որդու՝ Կոստանդինի որդի, որը, ըստ պատմիչի, գահակալել է երեք տարի²⁵։ Ասողիկը արաբական այդ ներխուժումի մի ղեկավար էլ է հայոց Ղե (ավելի ճիշտ է Ղ լնթերցվածը) թվականին, մյուս ղեկավար՝ Հերակլի թոռան՝ Կոստանդին-Կոստաս Բ-ի, երկրորդ տարում²⁶։ Վերջին նշումը առկա է նաև «Անանուն ժամանակագրությունում» և Ղեոնգի երկում²⁷։ Ղ թվականի (641 թ. հունիսի 19—642 թ. հունիսի 18) տրեւամիսը Կոստանդին-Կոստաս Բ-ի գահակալության առաջին տարվան էր վերաբերում։

Ըստ Մովսես Կաղանկատվացու, արաբները Դվինը գրավել էին Կոստանդինի գահակալության վեցերորդ տարում²⁸, որը, ինչպես նշել է Ք. Պատկանյանը, համապատասխանում էր 647 թ.։ Գիտնականը անդրադարձել է նաև Դյուլորիի վերոհիշյալ կարծիքին և այնուհետև եզրակացրել. «Բոլոր հայ պատմիչների կարծիքով Դվինը գրավվել էր արաբների կողմից 644—647 թթ. միջև»²⁹։ Ըստ Տու. Կուլակովսկու, Դվինի առևտրի տեղի էր ունեցել 647 թ. հոկտեմբերի 6-ին³⁰։ Արապատականով արաբների՝ Հայաստան կատարած արշավանքը Կուլակովսկին իրավացիորեն թվագրել է 647 թվականով³¹։ Սակայն, միևնույն ժամանակ, նա նույնացրել է Սեբեոսի³² և

А. Тер-Гевондзян, նշվ. աշխ., էջ 25—26, «Բյուզանդական աղբյուրներ», հ. Գ, Թեոփանես Խոստովանող, թարգմ. բնագրից, առաջաբան և ծան. Հ. Բարթիկյանի, Երևան, 1983, էջ 248, ծան. 308։

²³ Հ. Թոփչյանը նշել է 641 թ. (H. Thopdschian, նշվ. աշխ., էջ 61)։

²⁴ «Պատմություն Սեբեոսի» (այսուհետև՝ Սեբեոս), աշխատ. Գ. Արզարյանի, Երևան, 1973, էջ 137—139։ Հմմտ. Հովհաննես Դրասխանակերտցի, էջ 47—48։

²⁵ «Սամունի լի քահանայի Անեցու շառքմունքի գրոց պատմագրաց» (այսուհետև՝ Սամունի Անեցի), Վաղարշապատ, 1893, էջ 80։ Հմմտ. «Անանուն ժամանակագրություն», Վենետիկ, 1904, էջ 77։

²⁶ «Ստեփանոսի Տարոնեցու Ասողիկան Պատմություն Տիեզերական» (այսուհետև՝ Ասողիկ), Ս. Պետերբուրգ, 1885, էջ 98, 142։ «Երրորդն» ընթերցվածը (նույն տեղում, էջ 120) Հ. Մանանդյանը ուղղել է «Երկրորդն» (նշվ. աշխ., էջ 517)։ Ասողիկի հաղորդումները որոշ վերապահությամբ վերաբերում են արաբական տարբեր արշավանքներին, որոնց ընթացքում տեղի ունեցան 1. Դվինի առևտրի առևմտ (Ասողիկ, էջ 120, 142), 2. Պոկոպի պարտությունը Արտազ գավառում (նույն տեղում, էջ 120, հմմտ. «Պատմություն Ղեոնգեայ Մեծի վարդապետի Հայոց» (այսուհետև՝ Ղեոնգ), Ս. Պետերբուրգ, 1887, էջ 7], 3. Հայք, Վիրք, Աղվանք ներխուժումները (Ասողիկ, էջ 98)։

²⁷ «Անանուն ժամանակագրություն», էջ 77, Ղեոնգ, էջ 9։

²⁸ Մովսես Կաղանկատվացի, Պատմություն Աղուանից աշխարհի, քննական բնագիրը և ներածությունը Վ. Առաքելյանի, Երևան, 1983, էջ 317։

²⁹ «История императора Иракла. Сочинение епископа Себеоса». перев. К. Патканяна, СПб., 1862, с. 211, прим. 203.

³⁰ Ю. Кулаковский, նշվ. աշխ., էջ 199—202։

³¹ Տու. Կուլակովսկին այս հարցում, թերևս, հետևել է Ք. Պատկանյանի տեսակետին (տե՛ս նաև «История халифов вардапета Гевонда», СПб., 1862, с. 228 прим. 31)։ Հ. Թոփչյանը սխալ է համարել Բար-Հեթրեսի (Աբուլ-Ֆարաբ) ժամանակագրությունը, թիվ 958 թ. (—647 թ.) Մուավիան իր ուժերը բաժանեց երկու մասի, որոնցից մեկը Հաբիրի գլխավորությամբ ուղարկեց Հայաստան (H. Thopdschian, նշվ. աշխ., էջ 71)։ Սակայն Բար-Հեթրեսի հաղորդումը ևս մեկ փաստարկ է Արապատականով արաբական նշված արշավանքը 647 թ. կայացած լինելու կարծիքի օգտին։ Այդ արշավանքի մասին է վկայում նաև Տաբարիի մի հաղորդումը («Արաբացի մատենագրեր Հայաստանի մասին», էջ 88, 128)։

³² 647 թ. արշավանքի կապակցությամբ Սեբեոսը շնայած չի խոսել Դվինի գրավման մասին, սակայն հնարավոր է, որ Այրարատի, Տայքի և Վիրքի ուղղություններով հարձակված արա-

Մովսես Կաղանկավազու տեղեկությունները՝ տարբեր տարիների արարական երկու արշավանքների (մեկը՝ Միշագետքի, մյուսը՝ Ատրպատականի կողմից) մասին:

Դվինի առաջին առումը արարների կողմից³³ վերոհիշյալ աղբյուրներում նշված է Հերակլի մահվանից հետո, նրա որդու՝ Կոստանդինի կամ թոռան՝ Կոստաս Բ-ի օրոք: Ը. Մանանդյանը ընդունում է, որ Հերակլի գահակալության տարիներն էին 610—641 թթ.³⁴, սակայն 641 թ. մերձում է որպես Դվինի առման տարի, քանի որ այդ թվականի տրե ամսվա 20-ը եղել է ոչ թե ուրբաթ, այլ շաբաթ: Սերեոսի շարադրանքին հարադատ մնալու համար նրա երկում Դվինի առման պահպանված ամսաթիվը (աւար Խ էր տրէ ամսոյն, յաւուր ուրբաթիւ) առաջարկում ենք վերականգնել «աւուր ԽՁ էր տրէ ամսոյն, յաւուր ուրբաթիւ»: Եթե մեր այս ենթադրությունը ճիշտ է, ուրեմն Դվինի առաջին առումը արարների կողմից տեղի էր ունեցել հայոց Ղ թվականի տրե ամսվա 26-ին (641 թ. հոկտեմբերի 12-ին), ուրբաթ³⁵:

Դվինի առաջին առումը տեղի էր ունեցել Հերակլի մահվանից հետո և ներսեսի՝ կաթողիկոս³⁶ դառնալուց առաջ, ինչպես վկայված է վերոհիշյալ հայկական աղբյուրներում: Թվում է, թե

րական առաջին զորախումբը ճանապարհին թալանի և ավերածության մատնած լինեք նաև Դվինը: Կաղանկավազու հաղորդումը 35 հազ. գերիների մասին հուշում է, որ եթե Կոստասի գահակալության «Ջ» ամի հիշատակությունը գրչական վրիպակ չէ (ինչպես «Անանուն ժամանակագրությունում» և Ղեոնդի ու Ասողիկի երկերում, այնպես էլ այստեղ կարող էր լինել «Բ» ամի, որը, այնուամենայնիվ, նույնպես մեկնաբանման կարիք ունի), ապա կարելի է ենթադրել, որ պատմիչը տեղյակ էր արարական 641 և 647 թթ. արշավանքներին, և «Ջ» ամին վերաբերող շարադրանքը շարունակություն է Սերեոսի հաղորդած Կոստասի գահակալության «Ե» ամի, որի հաջորդ տարում տեղի ունեցավ Արծափի առումը: Կաղանկավազու երկում արարական երկու արշավանքների մասին հաղորդումները, թերևս, նույնացված են: Առաջինին է վերաբերում 35 հազ. գերեվարվածների թիվը՝ Կոստասի «Ջ» ամին:

33 Սամուել Անեցին գերեվարվածների թիվը նշել է 30 հազ., իսկ Վարդանը՝ 37 հազ.: Հովհաննես Դրասխանակերտցին (էջ 48) և Սամուել Անեցին (էջ 80—81, հմտ. Վարդան, էջ 93) հաղորդում են, որ ներսես կաթողիկոսը կատարածից հետո «Սարգիս վկայարանը» վերստին կառուցեց: Կիրակոս Գանձակեցին («Պատմություն Հայոց», աշխատ. Կ. Ա. Մելիք-Օհանջանյանի, Երևան, 1961, էջ 60) գրում է, որ ներսեսը այն կառուցել էր մինչ կոտորածը, որը, ըստ Սամուել Անեցու (էջ 80), տեղի էր ունեցել «Սուրբ յայտնութեան» օրը: Ղ. Ալիշանի կարծիքով պատմիչները շփոթել են երկու արշավանքներին վերաբերող դեպքերը, իսկ վկայարանը ներսեսը պետք է կառուցած լինեք արարների երկրորդ արշավանքից հետո, որը 640 թվականից «—7 տարի անց էր տեղի ունեցել (Ղ. Ալիշան, Այրարատ, էջ 408): Ը. Մանանդյանը, չլնդունելով Մ. Օրմանյանի վերոհիշյալ կարծիքը կապված 641 թ. հունվարի 6-ի հետ, փաստորեն ժխտել է Սամուել Անեցու հաղորդումը «Սուրբ յայտնութեան» օրվա մասին և նախապատվությունը տվել է Սերեոսի հաղորդմանը (այսուրև հինգերորդի դեմեցին ի վերայ քաղաքին. մատնեցաւ քաղաքն ի ձեռն նոցա»), քանի որ Դվինի պաշարումը տեղի էր ոչ թե երեք ամիս, այլ՝ հինգ օր: Հնարավոր է, որ ներսեսը Դվինի առաջին առումից (641 թ.) հետո սկսեց կառուցել վկայարանը և այնտեղ ամփոփեց սպանվածների ոսկորները, իսկ շինարարական աշխատանքները կարող էին ավարտվել 642 թ. սկզբներին:

34 Այժմ ընդունված է նշված բյուզանդական կայսրերի գահակալության հետևյալ կարգը. Հերակլ՝ 5 հոկտեմբերի 610 թ.—11 փետրվարի 641 թ. (Սերեոսը նշել է 30 տարի, որը մոտ է իրականությանը, քանի որ Հերակլը թագավորել է 30 տարի, 4 ամիս, 6 օր՝ «Անանուն ժամանակագրությունում» նշված է «ամս երեսուն և մի», էջ 76), Կոստանդին Գ՝ 641 թ.՝ փետրվարի 11-մայիսի 24, Հերակլոնաս՝ 641 թ. մայիսի 25-սեպտեմբերի վերջ, Կոստաս Բ՝ 641 թ. սեպտեմբերի վերջից-668 թ. սեպտեմբեր (տե՛ս «Traite d'etudes Byzantines I. La Chronologie par V. Grumel», Paris, 1958, p. 356—357).

35 Տոմարական հաշվումները կատարել ենք Բ. Թումանյանի և Ը. Բաղդյանի հրապարակած աղյուսակների հիման վրա (տե՛ս Բ. Ե. Թումանյան, Առձեռն տոմարացույց, Երևան, 1965, էջ 16, նույնի՝ Տոմարի պատմություն, Երևան, 1972, էջ 55, 115—117, Ը. Ս. Բաղդյան, Օրացույցի պատմություն, Երևան, 1970, էջ 35):

36 Ի տարբերություն այլ հետազոտողների, որոնք եզրի կաթողիկոսության վերջին և ներսեսի առաջին տարին համարում են 640 թ., Կ. Մելիք-Օհանջանյանը իրավացիորեն նշում է 641 թ. (տե՛ս Կիրակոս Գանձակեցի, Ժամանակագրական տախտակներ, էջ 402):

Սերենոսի հաղորդումներում հակասություն գոյություն ունի դվինյան արշավանքի և Հերակլի որդու՝ Կոստանդինի գահակալության կապակցությամբ: Սակայն եթե հիշենք, որ Իյադի զլխավորած արշավանքի երթուղին (մինչև Թիու շուր) համապատասխանում էր մի քանի ամիս անց դեպի Դվին ընթացած արաբական արշավանքի երթուղու մի հատվածին, ապա, թերևս, հնարավոր է ենթադրել, որ Սերենոսի մոտ միայլումով են այդ երկու արշավանքներին վերաբերող տեղեկությունները: Հիշ. 19 թ. և Սուհառոմի օրերից հաշված 20 թ., այսինքն՝ 640 թ. ընթացքում և մինչև 641 թ. սկիզբը Իյադը նվաճեց վերահիշյալ քաղաքները: Դրանից հետո նա Արդնից անցավ Թիու շուր և, վերադառնալով Հիմս, նույն հիշ. 20 թ. մահացավ: Իյադը Արդնից Թիու շուր պետք է եկած լիներ 641 թ. դարձանք, այսինքն՝ այն ժամանակ, երբ Բյուզանդիայում կայսր էր Հերակլի որդին՝ Կոստանդին Դ-ն: Սերենոսի մոտ այդ երկու արշավանքների մասին տեղեկությունների շաղկապման հանգամանքը նկատի ունենալու դեպքում միայն հնարավոր կլինի բացատրել Հերակլի որդու՝ Կոստանդինի ժամանակաշրջանի նույնացումը տրե՛ս ամսում տեղի ունեցած դվինյան արշավանքի հետ: Ըստ Սերենոսի, արաբական զորքը հասել էր Այրարատ, իսկ Թեոդորոս Ռշտունին գտնվում էր Նախճավանում: Թեոդորոսը, գալով Կոգավիա, հարձակվում է Դվինից ավարով և գերիներով վերադարձող ոսոխի վրա, սակայն անհաջողության է մատնվում, քանի որ իր կողմից զլխավորած հայոց ուժերը սակավաթիվ էին³⁷: Ըստ Ղեոնդի, երբ թշնամին ներխուժեց Հայաստան, Թեոդորոս Ռշտունին շտապեց փակել նրա ճանապարհը Ձորա կիրճում (Ձորապահակ), սակայն ուշացավ³⁸: Ա. Տեր-Ղեոնդյանը այն կարծիքին է, որ Թեոդորոս Ռշտունին շտապեց հարավ, որ փակի ճանապարհը Ձորապահակ լեռնանցքի կողմից, իսկ երբ թշնամին հասավ Դվին, Թեոդորոսը սպասում էր Նախճավանում, որից հետո Կոգավիտում դարանակալեց⁴⁰:

Կարծում ենք, Թեոդորոսը պետք է Նախճավան գնացած լիներ՝ թշնամու հարձակումը սպասելով Ատրպատականի կողմից: Կադիսիայի ճակատամարտից (636 թ.)⁴¹ մի քանի տարի անց արաբները ասպատակել էին Ատրպատականը (մոտ. 639 թ.) և ընդհուպ մոտեցել Հայաստանին՝ հարավ-արևելքից⁴²: Թեոդորոսը, ըստ երևույթին, տեղյակ լինելով արաբների վերահաս ներխուժմանը, սակայն հաստատապես չիմանալով դրա ուղղությունը, եկել էր Նախճավան: Նրա լուրը հասավ, որ թշնամին կրկին հարձակվել էր Միշապետի կողմից, Թեոդորոսը շտապեց արևմուտք, փորձելով փակել արաբների ճանապարհը Ձորապահակում: Սակայն նա ուշացել էր: Որտե՞ղ կարող էր լինել թշնամու զորքը, երբ Թեոդորոսը հասավ Ձորապահակ: Եթե արաբները Այրարատ արդեն հասած լինեին, ապա Թեոդորոսը այդ մասին տեղյակ կլիներ, քանի որ Նախճավանից Ձորապահակ տանող ճանապարհն անցնում էր վանա լճից հյուսիս ընկած գավառներով: Ուրեմն, երբ Թեոդորոս Ռշտունին հասավ Ձորապահակ, արաբները այդտեղով արդեն անցել էին, սակայն Բզնունիքով և Աղիովիտով դեռևս Այրարատ չէին ներխուժել: Այդ նշանակում է, որ Թեոդորոս Ռշտունու՝ Ձորապահակ հասնելու ժամանակ արաբները ներխուժել էին Տարոն գառնի զնա՞ծ⁴³: Սերենոսի այս հիշատակությունը Տարոնի մասին ինչ-որ չափով հա-

³⁷ Հիշ. 20 թ. ավարտվում է 641 թ. դեկտեմբերի 9-ով (V. V. Tsybulysky, նշվ. աշխ., էջ 22):

³⁸ Սերենոս, էջ 138—139:

³⁹ Ղեոնդ, էջ 9:

⁴⁰ А. Тер-Гевондян, նշվ. աշխ., էջ 24—26: Ս. Մելիք-Բախշյանը առեղծված է համարում Թեոդորոս Ռշտունու հայտնվելը Ձորապահակից հետո Նախճավանում (Ս. Մելիք-Բախշյան, նշվ. աշխ., էջ 35—37):

⁴¹ А. И. Колесников, Завоевание Ирава арабами, М., 1962, с. 95—96.

⁴² Արաբները 639 թ. ներխուժել և սկսել էին Ատրպատականի նվաճումը («Արաբացի մատենագրեր Հայաստանի մասին», էջ 82, 104), որը (ըստ Տարաբիի Երացի ամրացվածքներից) ավարտվեց 643 թ.:

⁴³ Սերենոս, էջ 138, 304—305, ծան. 473: Ղ. Ավագյանը արաբների ներխուժումը Տարոն և Դվինի առումը նշել է 640 թ., շնայած ուշադրություն է դարձրել Սերենոսի հաղորդման վրա, ըստ որի այդ իրադարձությունները կատարվել էին Հերակլի մահվանից հետո, նրա որդու՝ Կոստանդինի գահակալության ժամանակ (տե՛ս К. В. Айвазян, «История Тарона» и армянская литература IV—VII вв., Ереван, 1976, с. 157): Ինչպես տեսանք, վերջին փաստը նույնպես մեկնաբանման կարիք ունի:

մահնշուն է Յովհան Մամիկոնյանի⁴⁴ և «Պատմութիւն սր. ներսիսի»⁴⁵ երկերում պահպանված տեղեկություններին՝ արարների՝ Տարոն ներխուժելու վերաբերյալ:

Արաքական աղբյուրներից հայտնի է, որ Արդ առ-Ռահման իրն Ռաբիան՝ 642—643 թթ. ժամանակն էր Ալ-Րաբի (Գարբանդ) նվաճմանը՝ Նրան Օմար խալիֆը նշանակել էր Ալ-Րաբի կառավարիչ՝ Սուրակայի մահվանից հետո: Արդ առ-Ռահմանը, որին նաև կոչում էին Ջուլ-Նուր, սպանվեց 652 կամ 653 թվականներին⁴⁶, Յովհան Մամիկոնյանի երկուսի՝ «Արդառահիմ» մասին տեղեկությունները կարող են վերաբերել տարբեր տարիների արաքական արշավանքներին: 641 թ. արշավանքի կապակցությամբ երկուսի, ըստ երևույթին, պահպանվել է Տարոն ներխուժման խոստովանությունը⁴⁷, 647 թ. արշավանքին պետք է վերաբերի Յովհան Մամիկոնյանի այն հաղորդումը, որ Արդառահիմը (Արդառ-Ռահման) անցավ Հարբուլ, Բասենուլ, Վիրբուլ, Ջավախբուլ և վերադարձավ: Հիշենք, որ 647 թ. արշավանքը ընթացել էր երեք ուղղություններով 1. Այրարատ-Տայք-Վիրբ, 2. «կողմանք Սեպհական գեղին» — Հերևան (Հարբուլ) — Կոզովիտ, 3. Աղվանք⁴⁸: Յովհան Մամիկոնյանի հիշատակությունը Բասենի, Վանանդի, Ջավախբի և Վիրբի մասին պետք է առնչվի Սեբեոսի հիշատակած առաջին ուղղության հետ, իսկ Հարբի՝ երկրորդ: Ըստ Սեբեոսի, Թեոդորոսը զլխովին շախչախեց արաքական երկրորդ զորախումբը, որի հրամանատարները՝ Օթմանը և Օդբայը սպանվեցին⁴⁹, Արդ առ-Ռահմանը պետք է գլխավորած լինե՞ր առաջին ուղղությամբ ներխուժած զորախումբը: Իսկ երրորդ զորախումբի հրամանատարը, եթե Բար-Հեբրեոսի վերոհիշյալ հաղորդումը իրոք առնչվում է 647 թ. արաքական արշավանքին, պետք է լինե՞ր Հաբիրը: Արդ առ-Ռահմանը երկու անգամ է գլխավորել ասպատակությունները Հայաստանում 641 թ.՝ Միշա-դետը՝ կողմից, 647 թ.՝ Ատրպատականի⁵⁰:

44 Ենւ յետ Ը ամի եկն Արդառահիմ, քեռորդին Մահմեդի... Եւ ի վաղին ժողովեալ ի ստորոտն Գրգոյ, ի դաշտն որ ընդ հարաւոյ... Եւ ապա ի մէջ առեալ զգարսն Հայոց, ամենեցուն զկատարած կենաց հասուցանէին: ...Իսկ Արդառահիմ անցանէ ի Հարբ և ի Բասենան, և ի Վիրս և ի Ջաւախս, և ի Վանանդ, առեալ հարկս դառնալ ի Տաճկաստան (Յովհան Մամիկոնյան, Պատմութիւն Տարոնոյ, Երևան, 1941, էջ 285—286): Հենվելով «Ը ամի» հաղորդման վրա որոշ հետազոտողներ արաքների այդ ներխուժումը գնում են 636—639 թթ., սակայն Հ. Մանանդյանը իրավացիորեն նման կարծիքը ժխտել է, նշելով, որ արաքները չէին կարող Հայաստան մտնել Միշադետը և Նրա գլխավոր քաղաքները նվաճելուց առաջ, որը տեղի ունեցավ 639—640 թթ. (Հ. Մանանդյան, նշվ. աշխ., էջ 512):

45 Այստեղ համարյա նույն տեղեկություններն են բերվում, ինչ և «Պատմութիւն Տարոնոյ» երկում: Նաև նշվում է, որ Հերակլը սպանեց Խոսրով Բ-ին (իրականում նա սպանվեց իր զորավարների կողմից) այնու ութսուն ամի թվականին Հայոցս [«Պատմութիւն սրբոյն ներսիսի» Պարթևի Հայոց Հայրապետի Պատմութիւն յայտնութեան նշխարաց Սրբ. ներսիսի» («Սովորեց հայկական»), Վենետիկ, 1853, էջ 43—44, տե՛ս նաև Հ. Մանանդյան, նշվ. աշխ., էջ 509]:

46 «Արաքացի մատենագրեր Հայաստանի մասին», էջ 84, 89—90: Իրն ալ-Ասիրի հաղորդումը Արդ ալ-Ռահմանին Շահրիար թագավորի ներկայանալու և այնուհետև Սուրակայի մոտ գնալու: մասին Ա. Տեր-Ղևոնդյանը ճիշտ է թարգմանել («Արաքական աղբյուրներ», էջ 49): Իսկ ըստ Պ. Ժուզեի թարգմանության հետևում է, որ Շահրիարը բանակեց Արդ ալ-Ռահմանի հետ և ներկայացավ Սուրակային, այնուհետև Արդ ալ-Ռահմանը Շահրիարին ուղարկեց Սուրակայի մոտ [«Материалы по истории Азербайджана из Тарих-ал-Камилъ» (полного свода истории) Ибн-ал-Асир. перев. П. Жузе, Баку, 1940, с. 13)]:

47 Ա. Տեր-Ղևոնդյանը գրում է, որ Իյազը 640 թ. ներխուժեց Տարոն և Նրա հետ է կապում «Արդառահիմ»-ի մասին եղած տեղեկությունը (նշվ. աշխ., էջ 24): Սակայն դեպի Տարոն Իյազի արշավանքի մասին աղբյուրները չեն վկայում: Ս. Մելիք-Քախչյանը և Ա. Տեր-Ղևոնդյանը Յովհան Մամիկոնյանի հաղորդումը իրավացիորեն կապում են Սեբեոսի հաղորդման հետ՝ գլխինյան արշավանքի մասին, սակայն այն 640 թվականով ժամանակագրելը նրանց խանգարել է՝ հաշվի առնելու Սեբեոսի հաղորդումները Հերակլի մահվան ժամանակաշրջանի և դրան հաջորդած վերահիշյալ իրադարձությունների վերաբերյալ:

48 Ս ե բ է ո ս, էջ 145: Տե՛ս նաև ՊՐ2, 1982, № 2, էջ 106—116:

49 նույն տեղում:

50 Արդ առ-Ռահմանը իր կյանքի վերջին տարիներին, վարելով Ալ-Րաբի կառավարչի պաշտոնը, մինչևույն ժամանակ կարող էր գլխավորել արաքական զորքերի ներխուժումները հարևան երկրները:

Մին Քեոզորոս Ռշտունին (641 թ.) գտնվում էր Ձորապահակի շրջանում, արաբները ապստակում էին Տարոնի այնուհետև այնտեղից արշավում Դվինի վրա։ Քեոզորոսը ուշացումով պնաց նրանց հետևից, սակայն հայոց զորրի սակավաթվության պատճառով ստիպված էր դարանակալել Կոզովիտում։ Դվինից ավարով վերադարձող ռաբար պարտության է մատնում Քեոզորոս Ռշտունու գլխավորած զորքը։ Այդ 641 թվականին էր Իսկ 647 թ. նույն Կոզովիտում Քեոզորոս Ռշտունին յարաշար պարտության մատնեց խալիֆայության վերահիշյալ զորախումբը։

Արաբական առաջին, երկրորդ և երրորդ արշավանքները Հայաստան տեղի են ունեցել 640 թ. և 641 թ. առաջին կեսում, իսկ չորրորդը՝ 641 թ. երկրորդ կեսում, որի ընթացքում Դվինը գրավվեց (հոկտեմբերի 12-ին) առաջին անգամ։ Այդ արշավանքների ժամանակ, ինչպես հայտնի է, խալիֆայությունը չկարողացավ իր տիրապետությունը հաստատել Հայաստանում. սակայն թշնամին ծանր ավերածություններ պատճառեց. առանց այն էլ իրանա-բյուզանդական նվաճումներից⁵¹ բազմաթիվ արհավիրքներ կրած հայոց երկրին։

АРАБСКИЕ ПОХОДЫ В АРМЕНИЮ В 640—641 гг.

ЭДУАРД ДАНИЕЛЯН

Резюме

В 640—641 гг. арабы совершили четыре похода в Армению. Во время первого (640 г.), наряду с некоторыми верхнемесопотамскими городами, ими был взят Мая-фаржин (Ниркерт) (в провинции «Верхняя Месопотамия или Четвертая Армения»). В результате второго похода в «другую Четвертую Армению», имевшего место в том же году, был взят город Ашмушат. после чего арабское войско двинулось на запад и захватило Малатию, на противоположном берегу р. Евфрат. Однако эти города арабам пришлось вновь завоевывать при халифе Османе (644—656). Во время третьего похода (весной 641 г.) войско халифата, вторгнувшись в Армению, прошло через Арзн, Балеш, Хлат и, дойдя до «ал-айн-ал-хамид» («Кислые воды», можно отождествить с «джермуком Варшака» в гаваре Цахкотн), вернулось в Северную Месопотамию. Маршрут четвертого похода (во второй половине 641 г.) пролегал через ущелье Дзора (к югу от которого находился город Балеш), гавары Тарон, Бзунуиж, Ахиовит, Коговит. Арабы достигли Айрарата и 12-го октября 641 г. захватили Двин. Принятая в историографии дата — 6 октября 640 г., — как время взятия Двина арабами, не подтверждается источниками. Теодорос Рштуни во главе малочисленного отряда безуспешно атаковал войско халифата на обратном пути в Коговите. Первые походы арабов в Армению носили опустошительный и грабительский характер.

51 591 թ. իրանա-բյուզանդական բաժանումից հետո Արևմտյան Հայաստանը (նոր ընդգրկմամբ) գտնվում էր Բյուզանդիայի տիրապետության տակ, իսկ Արևելյան Հայաստանը, որը մնացել էր Իրանի գերիշխանության ներքո, բաղկացած էր Մարզպանական Հայաստան (ընդգրկում էր Այրարատի արևելյան հատվածը, Վասպուրական գունդը, որն այդ ժամանակաշրջանից համազոր էր դառնում Անանիա Շիրակացու «Աշխարհացոյցի» Վասպուրական աշխարհին, Խոկքը, Պարսկահայքը), Սյունիք, Ուտիք և Արցախ մասերից։ Սասանյանների տիրապետությունը Արևելյան Հայաստանում VII դ. 30-ական թվականներին կորցրել էր իր ուժը և շուտով վերացավ։ Հայոց պետական գործիչները Արաբական խալիֆայության նվաճումների պայմաններում անդուլ պայքար էին մղում հանուն Հայաստանի տարածքային ամբողջականության վերականգնման (տե՛ս ՀՄՄՀ ԳԱ «Լրաբեր հասարակական գիտությունների», 1986, № 8, էջ 57, 66)։ Մեր նույն հոգովածում, որտեղ խոսվում է Մասեացոտնի և «կողմն Արագածու» մասին, տպագրված է. «...Մալրիկիոսին զիշած հոգերի թվում...» (էջ 56, ծան. 12)։ Անհրաժեշտ ենք համարում տալ հետևյալ ուղղումը. «...Մալրիկիոսին չզիշած հոգերի թվում...»։ Բ. Հարությունյանը իրավացիորեն նշել է, որ բյուզանդա-իրանական սահմանագիծը անցնում էր Մասեացոտն գավառի արևմտա-կողմով (Բ. Հ. Հարությունյան, Մեծ Հայքի Վասպուրական աշխարհը ըստ «Աշխարհացոյց»-ի, «Բանբեր Երևանի համալսարանի», 1983, № 3, էջ 132)։